

Raug Tub Ceev Xwm Tuav Cia thiab Rau Lub Tsev hais Plaub Tuav Cia

1) TUB CEEV XWM TUAV CIA: TSAB CAI MN. Stat. 253B.051

Thaum twg thiaj li siv tub ceev xwm tuav cia?

Qhov txheej txheem ntawm muab tuav cia thaum muaj kev kub ntxhov yog thaum tus kws kuaj mob, tus tub ceev xwm saib kev ruaj ntseg los yog tus kws kho mob muaj laj thawj zoo kom ntseeg tau tias koj yeej muaj mob saum lub hlwb los yog xiam oos qhab saum hlwb los yog quav yeeb quav tshuaj thiab muaj kev phom sij tsim kev raug mob rau koj tus kheej los yog rau lwm tus.

Yog tias tau koj tuaj rau hauv lub tsev kho mob, cov chaw kho mob es tswj los ntawm lub xeev los yog qhov chaw kho mob hauv lub zej zog es koj tuaj ntawm ib tug tub ceev xwm los yog ib tug kws kho mob thiab lub tsev kho mob los yog qhov program pom zoo tias koj yeej muaj ib cov kev xiam oos qhab es pom tau tias koj yuav tsim kev raug mob rau koj tus kheej los yog rau lwm tus, lub chaw kho mob los yog qhov program kuj yuav ceev koj es kho koj.

Tus tub ceev xwm kuj yuav cia li siv lawv lub tsheb thauj koj mus los yog kuj teem kom tau tsheb thauj koj mus los ntawm cov chaw thauj neeg mob thiab thauj neeg xiam hlwb. Yog tias ua tau, tus tub ceev xwm es thauj mus yuav tsum tsis txhob hnav cov khaub ncaws ua hauj lwm li tub ceev xwm thiab lub tsheb thauj mus yuav tsum siv cov tsheb es tsis yog tsheb rau tub ceev xwm caij.

Kuv yuav raug tub ceev xwm tuav ntev npaum li cas?

Tom qab koj raug thauj mus rau lub chaw kho mob los yog qhov program lawm, yeej tuav tsis tau koj cia ntev tshaj li 12 xuab moo tshwj tsis yog tus kws kuaj muaj daim ntawv xaj kom tuav koj cia.

Thaum muaj qhov yuav tsum tau tuav koj cia vim muaj kev kub ntxhov, koj yuav raug tuav rau hauv lub tsev kho mob los yog hauv qhov program ntev li 72 xuab moo, tsis xam hnuv vas xaum vas thiv thiab cov hnuv phav es tsoom fww tsis ua hauj lwm. Piv txwv, yog daim ntawv xaj kom tuav koj cia kos npe rau thaum 2 pm ntawm hnuv Thursday, yog yuav raug tuav cia kom txog hnuv Tuesday thaum 2 moo pm.

Txoj cai kuv muaj yog txoj txoj twg yog tias kuv raug tuav cia los ntawm tub ceev xwm hauv lub tsev kho mob los yog hauv qhov program?

- Tawm tom qab 72 xuab moo, tshwj tsis yog tias muaj daim ntawv txiav txim ntawm lub tsev hais plaub kom yuav tsum tau tuav kom ntev zog,
- kuaj koj qhov mob tsis pub dhau 48 xuab moo thaum koj muaj npe kho mob;
- hais kom hloov qhov kev tuav cia ntawm tub ceev xwm mus rau qhov tias koj yeej yeem;
- txais daim qauv ntawm daim ntawv sau qhia txog qhov tso cai tuav koj cia; thiab
- Hais kom tau cov ntsiab lus ntawm rooj plaub sab laj txog qhov tso koj tawm ntawv qhov tub ceev xwm tuav koj cia.

2) LUB TSEV HAIS PLAUB TUAV CIA: TSAB CAI MN. Stat. 253B.07 subd. 2b

Thaum twg thiaj li siv lub tsev hais plaub tuav cia?

Lub tsev hais plaub tej zaum kuj txiav txim xaj kom koj mus rau ntawm lub tsev kho mob los yog cov chaw kho mob es lub xeev tswj los yog kom nyob twj ywm hauv lub tsev kho mob los yog cov chaw kho mob es lub xeev tswj. Qhov kev lub tsev hais plaub kom tuav cia yog thaum koj:

- A. nyob rau qhov kev phom sij es tsim kev raug mob loj rau koj tus kheej los yog rau lwm tus yog tias tsis tuav koj cia;
- B. tsis mus ntsib thaum muaj kev kuaj koj tus mob los yog tsi mus rau koj rooj plaub sab laj txog quab yuam kev kho mob; los yog
- C. twb raug tuav cia los ntawm tub ceev xwm thiab daim ntawv foob kom quab yuam tau kev kho mob twb muab xa mus lawm.

Koj yeej raug tuav cia koj txog thaum koj thawj rooj plaub sab laj los yog tuav cia ntev li 72 xuab moo, tsis xam hnuv vas xaum vas thiv thiab cov hnuv phav es tsoom fww tsis ua hauj lwm, nyob ntawm seb qhov twg luv dua. Lub tsev hais plaub yeej ncuva qhov kev tuav cia kom ntev zog yog tias lawv yeej tau ua txhua yam li cov txheej txheem tuav cia.

ADA Sob Lus: Yog tias koj muaj ib qho kev xiam oos qhab thiab xav tau daim ntawv ceeb toom no yog ib hom txawv koj yeej nug kom tau ntawm lub zos county. Xav kom paub ntau dua txog qhov txheej txheem quab yuam kev kho, tiv tauj lub hoob kas Office of the Ombudsman for Mental Health and Developmental Disabilities, 332 Minnesota Street, Ste W1410, First National Bank Building, Saint Paul, Minnesota 55101-2117, <https://mn.gov/omhdd/> tham lus: 651-757-1800 los yog Hu Dawb: 1-800-657-3506.